

CARMEN GENETHLIACVM  
P R O

SERENISSIMI HISPANIARVM PRINCIPIS

CAROLI PHILIPPI  
ORTV FELICISSIMO

Dictum in aula Collegij Romani Soc. Iesu.

A V C T O R E

Octauio Carraneo eiusdem Societatis.



R O M Æ;

Typis Ignatij de Lazaris. M. DC. LXII. +

SVPERIORVM PERMISSV.

CARMEN GENETHLIACVM

P R O

SERENISSIMO HETMANI PRINCIS

CAROLIPHILIPPI

ORTV FELICISSIMO

Dictum in aula Collegij Romani Societatis

A V C T O R E

Ostasio Cattaneo eiusdem Societatis



R O M A E

Typis Ignacij de Lellis. M. DC. LXXII.

PAULI ROMANI LXXII.

EXCELLENTISSIMO PRINCIPI

D. LVDOVICO GVZMAN

PONCE DE LEON

Catholici Regis apud Alexandrum VII. Pont. O. M. Ora-  
toris Mediolani Gubernatori: Hispanorum militum  
pro Regij Corporis Custodiâ Præfecto: Etaurea  
cubiculi Regij clauæ insignito.



*Egum felicitas E. P. inter priuata domus angus-  
tias continere se nescit, sed fluminis in mo-  
rem plenas trahentis aquas, viuoque gurgite  
exundantis, in populorum plausum, & in  
publicam redundat felicitatem. Serenissimi  
Hispaniarum Principis ortus, munus plane celeste, quantâ  
vniuersum terrorû Orbem letitiâ inundauerit, testis est. Mun-  
di compendium, Roma, quæ Regio Infanti productum æuum  
ominatura, noctem augustâ radiorum pompâ cum die ipso de  
luce dimicantem conspicata, in Phenicis exortu suis è cine-  
ribus vitam feliciorem trahentis, Regiam Austriadum stir-  
pem nouo sobolescentem germine, & æuo sempiterno frui-  
turam obseruauit. Meam licet tenuissimam musam ani-  
mauit ad carmen tanti Orientis in Occidente solis aspectus,  
cuius è beneficis radijs non nihil lucis in mentis meæ tene-  
bras sentio fuisse deriuatum. Maximum scilicet Princi-  
pem laudasse, magna fuit laudantis virtus, per argumenti  
maiestatem vatis tenuitate subleuata. Id mihi percommode  
cessit in Auditorum nobilissima coronâ Regium Ortum cele-  
branti, Tuis præsertim sub auspicijs, Excellentissime Prin-*

ceps, qui eam, quàm tantum tanti Regis Oratorem decebat benignitate, meum per humaniter carmen excepisti in Catholice Maiestatis laudes profusum. Intruebar enim verò Tuo in aspectu animatum Philippi Hispaniarum Regis simulacrum, cuius personam tantam, & adeò exaggeratam sustines dignitate, in Romæ conspectu, ut omnes Populi, omnes Provinciæ te cupiant Moderatorem, Mediolanensis ceterè ditio maximo letitiæ sensu perfundatur, Tuis proximè Imperijs administranda. Angusta fuit Virtutibus Tuis aula Romana, omnium Augustissima, ad ceteras igitur Italiæ partes euocarîs, magna ubique Hispanæ Prudentiæ semina iacturus, quæ in spem maximam Hispanæ Diminutionis germinabunt. Tantas tamen Virtutes, tantam excelsæ mentis maiestatem videris superare, dum Fortunæ amplitudo nihil de Tui vultus serenitate delibat, fronte quippe ad hilaritatem composita omnibus accedis iucundus, & aureis Regiæ planè humanitatis vinculis omnium Tibi animos demereris. Nihil igitur meæ Musæ poterat accidere grâtius, quàm Te sortiri Macenatem, Cui se de integro in præsentia sistit, ut publicam in lucem edito carmini, Tuo è nomine, fulgentissimo veluti è Sole, aliqua gloriæ lux oboriatur. Angustum hoc munus facies Augustissimum, si Tuae benignitatis in sinu, non modo tenuem hunc ingenij mei partem, sed etiam Me ipsum fovebis, qui Catholice Maiestati; cuius Tu dignitatem sustines, exiguum obsequium præsto debite seruitutis.


Obsequentiss. Excell. Tux famulus

Ostavius Cattaneus è Soc. Iesu.





IN PRINCIPIS  
HISPANIARVM ORTV  
CARMEN GENETHLIACVM



VSTRIADVM populi, rediuui regna Leonis  
Orbis Otomanni cladem paritura Tyranno  
Plaudite nascenti puero: genitricis ab aluo  
Regius augustos terræ puer explicat ortus,  
Soluit & incertum tanta formidine mundum.

Europæ lacrymas, funus quæ luget acerbum  
Principis, abstergit risu, de patre Philippos  
Dum trahit, & Ferdinandos è sanguine Matris  
Haurit adoratus Princeps. Sic voluitur ordo  
Regnorum, variantque suas mortalia regum  
Fata vices: vno extincto non deficit alter  
Aureus, & simili frondescit germine regnum  
Austriacæ sobolis: lacrymarum è gurgite frontem  
Exere funeream regnantum Hispania Mater

A 3

Que

Quæ regis imperio populos : sat candida rupit  
 Corda dolor , laceravit & aurea viscera luctus .  
 Gaudia terrarum , populorum vota , parentum  
 Sollicitasque preces , augusti principis ortu  
 Impleuit Cœlum : Pueri si mæsta cadenti  
 Regna parentarunt , orienti læta Philippo  
 Regna coronato plaudant , qui nascitur infans  
 Regia languentis compensat funera fratris ,  
 Spemque alit Europæ , lacrimas solatur Iberi ,  
 Ornat & Hispanum renouato sydère Cœlum .

Tu tamen Austriacus Princeps spes vnica terræ ,  
 Germen adoratæ gentis , genitoris in vlnis  
 Seu ludis , Matris vel fugis ab vbere florem  
 Sanguinis expressum , si quid mea carmina possunt  
 Castalias ne temne fides . Heliconæ medullis  
 Inspirant Musæ , & mentem sacer ambitus vrit  
 Te tenui celebrare sono ! Romana triburum  
 Perfoluit laudum Pallas , nam Principis orti  
 Fama Aganippæas heliconis personat vndas .

Dum libet audaci modulari regia plectro  
 Gaudia , & dexter ades votis ARAGONIVS heros  
 Grande patrum lumen , genus alto è Sanguine regum  
 Ducis & illustras sacrum virtutibus ostrum  
 Cœlitibus carus : tu regnatoris Iberi  
 PONSLEO GVSMANE orator , qui sceptra potentum  
 Austriadum , & formidati diademata Regis  
 Maiestate animi tanta moderaris in Vrbe  
 Principe terrarum : illustris tu BORGIA palmis  
 Virginæ Matris earum caput , annue votis  
 Pieridum , Princeps ; Hispani lumina mundi

Castalios latices nostris infundite venis.  
 Mortis in humanæ tenerà ceruice Philippus  
 Tinxerat augustus falcem : post funus olimpo  
 Redditus, austriacos Cœlo quos aurea Virtus  
 Intulit heroas, astris modulantibus, auget.  
 Donatus superis decorauit fidere Cœlum,  
 Ereptusque orbitumulauit funere terras.  
 Vnde Domus patriæ risus, columenque labantis  
 Imperij cecidit, spes intercisa parentum  
 Europæ lachrimæ, & gemini suspiria mundi.  
 Qualis in occiduo spirantes naribus ignem  
 Gurgite mergit equos lucis trabecatus amictu  
 Astrorum Princeps, nocturnis funerat umbris  
 Acthera cum terris Phœbea morte sepultis.  
 Nobilis Europæ, quæ regia stringit Iberus  
 Littora magnanimo fluctu, dum fama per Vrbes  
 Nuncia discurret largo sua lumina fletu  
 Dissoluens, propter viduati litoris oram,  
 Regales lacerata comas, pro syrmaræ vestem  
 Quæ gerit atratam, positoque Hispania ferto  
 Principis in fato sua luget funera; sortem  
 Immitem dolet, & lachrymis exaggerat vndas.  
 Pallor in ore sedet, dolor vrit corda, fatigat  
 Cura animum : vultus quantum mutatus ab illo  
 Dum pax regales fortunatura coronas  
 Miscuit Austriacam Ludouici sanguine prolem.  
 Stant circum Nymphæ regnorum, iura Leonis  
 Regia seruantes Hispani : hic belgica Virgo  
 Quæ docto radio telas operosa laborat  
 Nunc radio posito solem lachrimata cadentem

Erudit in longum pallentia flamina luctum,  
 Gallia Phætonis, sicanæque Doris, & ample  
 Parthenopes, Syren, spicis circumdata flauis  
 Sardinia thetis, fuluo pretiosa metallo  
 India, tempestas cui gemmea feruet in vndis  
 Regina lachrymas, lachrymis regalibus implent.  
 Has inter Nimphas lachrymatur Iberia fatum  
 Principis Austriaci: regali in funere regnat  
 Luctus, & ingentem solatur voce dolorem.  
 Siccine flos regum; teneræ flos ille Iuuentæ  
 Succisus languet? frontis decor ille Philippos  
 Spirantis periit? quoniam pretiosior ostro  
 Purpura concessit vultus? demersit at ra  
 Surgentes libithina rosas, vbi cana virebant  
 Lilia, cum violis miscet vaccinia luctus.  
 Heu rerum sortes, terræque volubilis ordo?  
 Inficit vmbra genas, regnis par dextra regendis,  
 Frigida dextra iacet, multos dominata per annos  
 Stirps augusta ruit: saltem vos fluminis vndæ  
 Quondam felices vndæ, dum sceptræ manebant  
 Principis extincti, repetunt quæ flumina pontum  
 Vnde fluunt, atque obsequijs vndantibus ornant  
 Nerea, qui septem gemino lauat ore Canopum  
 Nilus, & Hesperidum Tiberis regnator aquarum,  
 Scaldis adhuc voluens laceris in vultibus iras  
 Hæresis armata, quæ sanguine inebriat ensẽ  
 Austriacum, & Ganges dum turbidus æstuat auro,  
 Cæsareas aquilas Rhenus veneratus, & ingens  
 Eridanus, maris Hadriaci qui voluit arenas,  
 Dicite spem mundi, Regum languescere florem



Vere nouo vitæ immatura morte recisum:  
 Est animus regni Princeps, sine Principe languet  
 Imperium, magnumque iacet sine mente Cadauer;  
 Ergo metus periit Princeps, meus ille Philippus  
 Proh dolor! atque meo periit cum Principe Mundus.

Talia iactabat lachrimans, cum Diua pronæ  
 Quæ regit humanos casus, & temperat orbem  
 Legibus Augustam sobolem, quæ dira subiuit  
 Fata, triumphantum vitali nectare diuum  
 Educat, Austriacis melius quàm Regibus æuum  
 Nascitur, & superum immortalia sidera fulgent.  
 Fortunate puer te fata æterna manebant  
 Ereptus mundo, cœlo donaris: Iberis  
 Ereptus Regnis, felix regnabis Olimpo.  
 Te tantum terris monstrarunt sidera; felix  
 Semper at Hispanis monstrabere sidus ab astris.  
 Candida quàm sacrum stellati semita lactis  
 Pandit iter, cursum maturat Diua per auras  
 Arbitra terrarum dulcem factura medelam  
 Reginæ lachrimis, quam forte vlulatibus auras  
 Audijt implentem, & solantem funera luctu.  
 Nubila præuertit cursu. Thaumantias itis  
 Bellona, & pietas, flectique ignara seueræ  
 Iustitiæ facies, placido clementia vultu  
 Et charitum cœtus latus immortale coronant.  
 Luce triumphali, roseos hyperionis ignes  
 Qui diuæ per membra fuit regalis amictus  
 Vincit, & Augustum iactat sub nubila lumen.  
 Textilibus radijs vertique regique videntur  
 Terrarum sortes, Regnorum mobile fatum

Vrna immota tenet; quam prouida dextra gubernat  
 Arbitrio superum: fuluis illusa figuris  
 Fata micant, regale genus, moderata triumphos  
 Cæsareæ Hispanæque Domus, se sanguine ab vno  
 Quæ scindunt; nigra furij licet ardeat ira  
 Impia Lutheri pestis, molita tumultus  
 Versuto cæcos animo, tamen aurea sceptrâ  
 Cæsareas Aquilas, tot iam labentibus annis  
 Sanguinis Austriaci moderantur stemmata: forte  
 Vtitur augusta Romani à funere Regis  
 Regnantum soboles Leopoldus, & imperat vndis  
 Danubij: mixtam vomuit cum sanguine vitam  
 Parte alia Gustauus, votis deuorat orbem  
 Ore oculis ardens, supremaque fata minatur  
 Cæsareo sceptro, fatalis at ignea plumbi  
 Frangit grando caput sceleratum, & deuouet vmbis  
 Europæ fulmen, formidine liberat orbem  
 Mors succi martis, cursum improvisa retardat  
 Hostis anhelantis palmas, & sacra coronat  
 Arma triumphantis diro de milite regis.  
 Hic Ferdinandus cui seruit Iberia, prolem  
 Componit tumulo, quam patria Regna manebant,  
 Perpetuis sobolem lachrimis vrgeret ademptam  
 Vnica ni tumulo Fratris Ioanna superstes  
 Connubio stabili Burgundo iuncta dinaste  
 Ederet in lucem Carolum de semine Regum,  
 Quem super Hispanæ sortes cecidere, triumphis  
 Hic orbem geminum, renouatis Cladibus hostem  
 Prole noua regale genus, virtutibus auget  
 Aethera, sic Carolus lachrimarum filius aulæ

Au-

Aultriacæ risum parit, & noua gaudia terris.  
More triumphantum tantis pretiosa figuris  
Diua laboratis circum radiata triumphis  
Vertit iter quâ tabificis Hispania triste  
Vulnus alit venis, largoque natantia luctu  
Lumina picturâ pascit, dehinc voce dolorem  
Mitigat crepti lachrimantis Fata Philippi.  
Æthera quid lachrimis imples, queruloque fatigas  
Ore triumphales vndas Hispania Regum  
Obsequiosa Deo sedes? tua sceptrâ secundat  
Sydera qui nutu torquet: patietur Olympus  
Austriacam stirpem nullo sobolescere foetu  
Principis? vt nostro mortalia fata regantur  
Numine, deuotus superis regnabit Iberus.  
An cadet illa domus, quam firmauere Nepotum  
Cana fides pietatis amor, decus vnde superbum  
Vaticana trahunt Romanę iura Thiarę.  
Pone animo curas, altâ mihi mente repostum  
Stat regale genus, pietas quę regna Philippis  
Tradidit, hæc Regnis pariet longæua Philippos.  
Non capiunt geminos cœlestia sidera soles,  
Nec geminos capient mortalia Regna Philippos.  
Ergo coronatus regnabit in æthere primus,  
Terrarum imperium reget alter, & aureus amplam  
Educat sobolem, donec maturus Olimpo  
Cum fratre Austriacam fortunet ab axe coronam.  
Vere iacet primo Prosper, sic fata tulere  
Cæca quidem mundo, sed conscia fata tonanti.  
At nunquam crudæ lachesis properata bipennis  
Regia surgentis secuiſſet stamina vitę

An-



Augusta magnę nisi regnatricis in aluo  
 De stirpe Austriaca, claro de sanguine Regum  
 Plena laborato tumuissent viscera partu.  
 Non huic imperij metam, nec tempora Numen  
 Ponit, auis atavisque potens in funera lunę  
 Odrisix natus victo dominabitur orbe.  
 At ne vana putes hæc vocem fingere, testum  
 Augustum subeas, oculisque fidelibus infans  
 Subiectus soluet querulam formidine mentem  
 Vt tua sperato saturabit Inmina vultu.  
 Dixit & ex oculis lachrimę, de corde recessit  
 Cura serenato; canis ceu montibus humor  
 Sudat, vt æstiuos iaculatur sirius ignes.  
 Pectora nectareum Regalia flumen inundat,  
 Viscera melle natant, ficulique corallia ponti  
 Exornant crines, pretiosa monilia pendent  
 Reginę collo, fuluis quę voluit arenis  
 Splendida Pactoli gemmato gurgite limpha.  
 Ceu quando roseo ferit altos lumine montes  
 Phosporus, eripuit quem nox tenebrosa colorem  
 Accipiunt campi, redit orbi gratia, Cœlo  
 Spiritus, & surgunt renouat lilia culmo.  
 Maturant cursum, geminum quā Mantua Mundum  
 Carpetana regit, pariter penetrale subintrant  
 Austriacis grauidum palmis, vbi regia coniux  
 Gaudia terrarum seruat, quam Diua iacentem  
 Alloquitur. Suspensum solue timoribus orbem  
 Aurea regnatricis, populorum vota, gementis  
 Sollicitas mundi voces felicibus imple  
 Auspicijs, puerum trepidis da cernere terris



Æthere delapsū. Dixit cum prodijt infans  
 Matris ab Augustę gremio, lachrimisque dolorem  
 Temperat Europę, diuos hominesque feremat  
 Frontē coronatā regnis: caput exerit vmbri  
 Ceu Phœbus, terręque parit cum lumine vitam.  
 Expectata venis, quā non formosior vlla  
 Ausriadum soboles; Regali gratia vultu  
 Quanta sedet, quantus teneris decor ardet ocellis?  
 Quantaque lactenti spirat ceruice voluptas?  
 Non sic gemma nitet, radios quę iactat in auro,  
 Vel rubet assyrio vestis medicata veneno  
 Gemmatis depicta notis: vt lumina parū  
 Scintillant frontis, repetita per oscula vultum  
 Ausriacum libant genitor cum Matre Philippus,  
 Inspirantque animam Regali Principe dignam.  
 Dum studijs certant pröceres, & lumina vultu  
 Principis Augusti saturant; cœlestibus vlnis  
 Diua regit puerum, Mundi nutantis Iberi  
 Substinet Atlantem, longum cui destinat æuum,  
 Pollice & impresso vitę mortalia ducit  
 Stamina, que metuet præceps abrumpere lethum.  
 Ausriacos inter plausus, & dulcia gentis  
 Gaudia regnantis, venientia fata recludunt  
 Fatidicā voce Hispani fundamina Regni  
 Religio, & sacris Bellona superba triumphis,  
 Quęis cura incumbit tanto inspirare Philippo  
 Sanguinis expressi cum flore, antiqua parentum  
 Ornamenta: prior pietas sic ora resoluit.  
 Magne puer, generose puer te munere diuum  
 Accipimus, diuum regnabis munere: Cœlum

At-

Atque tuo geminum complebis nomine Mundum  
 Deuotus superis : pietas equauit Iberos  
 Coelitis reges, tanta tibi sorte capacem  
 Hec animum dabit: Hispanę fortuna Coronę  
 Imperium mercata Deo, quā barbarus Indus  
 Solis ab exortu nocturnas ebibit umbras  
 Æthereo cœcas afflavit lumine terras.  
 Tot vaticanę venerantur sceptrā thiare  
 Littora, quot subeunt Hispani iura Leonis.  
 Regnat vbique fides, partitur Iberia totum  
 Cum Cœlo imperium, nunquam corrupta veneno  
 Perfidię, crinem licet vndique nexa colubris  
 Tabe venenatā meliorem laderet orbem.  
 Regnantum pietate stetit Hispania: stabit  
 Fortior in clades, iramque furentis auerni  
 Exemplis moderata tuis, virtutibus imple  
 Augustum nomen, quo ALTHONSI prima refulsit  
 Fama: coronatum varijs heroa triumphis  
 Orbis adorauit mēdacia Numina sacro  
 Marte fatigantem; dum regna Hispanica Romę  
 Subderet imperio, diuino thure calentes  
 Tolleret ad superos aras, sudataque templa  
 Illusasque auro clamydes transferret Olimpo.  
 Principis Augusti mōres, pietatis auitę  
 Grande rudimentum Illustres hausere nepotes  
 Vnde triumphali virtus immensa Leoni  
 Fluxerat. Æthereum niueo sub cortice clausum  
 Pornus adorabis Regem, pia viscera flammę  
 Numinis inuoluent: incendia sacra Rodolphus  
 Nutriet Austriacus, qui Regna nepotibus auget

Dum

Dum regnatorem mundi sub fruge latentem  
 Præcipitatus equo veneratur, & ardet in vndis  
 Præda Dei factus depredatore ferarum.  
 Diuinę cum lacte bibes genitricis amorem  
 Quam pia regali veneratur Iberia cultu:  
 Aurea magnanimi repetes exempla parentis  
 Cui nuper partos Virgo concepta triumphos  
 Debet, Alexander totum ter maximus orbem  
 Qui regit, Augusti felicia vota secundat  
 Principis, atque suâ partos pietate triumphos  
 Conceptę Marię Orator largitur Iberus.  
 Te nascente puer cœli Regina triumphat  
 Tu quoque virgineam primęuo à crimine mentem  
 Immunem venerare puer: tutaberis armis  
 Fortior; at quando matura adoleuerit ætas  
 Ipse tuis repetes oculis monumenta tuorum.  
 Occurret Carolus, læsi cui sacra tonantis  
 Cura coquit mentem, iustam nec temperat iram  
 Donec obarmatus ferro, per tela, per hostes  
 Præcipitans repetat scelerato è sanguine penas.  
 Magnanimi Patris foboles Augusta Philippus  
 Qui pius equauit ferro, & pietate parentem  
 Hęc ait ante sacrâ pendentis ab arbore vultum  
 Numinis, vt scopulos Erebi vorat hidra britannos,  
 Et multâ caputum fœcunda propagine Rhenum  
 Vulnerat: hoc pereat sceptrum, ne perfida Regnis  
 Hydra meis viuat, donec mihi spiritus artus  
 Intus alet, iuste flammis vlticibus irę  
 Extinguam caput segetem. Post fata Philippi  
 Filius armatus tanti pietate parentis

Im-

Imperium tenuit, nigro sua regna Mamete  
 Liberat, & vacuos lethali crimine soles  
 Innocuus ducit, casto quem nectare pascit  
 Relligio, & superum blanda pro peste voluptas.  
 Quantus eris formose puer, cum regna parentis  
 Austriacà pietate reges, & rite subactis  
 Iura dabis populis: aulà succedet Iberà  
 Qui volet esse pius: tanto dominante Philippo  
 Roma, fides, virtus toto dominabitur orbe.  
 Hæc ait. At lateri quæ sacrum accingitur ensem  
 Impatiens bellona moræ, sic fata recludit.  
 Fœmineos animos pietas imbellis adurat,  
 Regnantes armata decet: qui thure vaporat  
 Sidera, nec ferro sceleratum fulminat hostem,  
 Est impar regnis, arment pia fulmina dextram,  
 Quam pietas ornat: tu nunc assuescere nostris  
 Incipe magne puer votis, neque forma minacis  
 Terreat aspectus: tibi martia pectora sanguis  
 Regius inspirat, tua paruula dextrà regendo  
 Sufficeret gladio! Thracum iam terra videret  
 Feruere belligero regalem puluere martem.  
 Magna sed angusto meditaris prælia corde,  
 At quandò firmata virum te fecerit ætas,  
 Ense fatigabis Romani nominis hostem  
 Delphino iunctus. Complebis inhospita mundi  
 Regna cadaueribus; voluet sub gurgite mortem  
 Terra colorato, gladius dum ultoris Iberi  
 Transadiget Thracum costas. Tu Creta tyranni  
 Excutes seruire iugum, quæ vincula collo  
 Insertas, Venetum armabit Bellona Leonem



Austriaci Regis: prædonis ab vnguibus vrbes  
Isacidum ereptæ per te reddentur Olímpo  
Magne puer, pietas tunc indefensa requisita  
Littora, quæ sacro rubuerunt sanguinis offro  
Voluit adhuc Libyco spumantes sanguine fluctus  
Æquor, & augusto letata cadauera ferro  
Deuorat; Austriacæ dextræ dum regia virtus  
Funerat odrisiam classem, nigroque tepentes  
Inficit oceani lacerati sanguine fluctus.  
Occumbit Tunetum, Caroli dum prælia sentit  
Hispani Martis, tantisque è cladibus hostes  
Quantus eris! repetunt trepidi; nam pectore in vno  
Pectora maiorum plusquam mauortia claudis.  
Cæsaris Imperium prædò quid lumine toruo  
Barbare terrarum metiris? Ibericus infans  
In tua regales armabit fata Leones,  
Impia falcate contundet cornua Lunæ.  
Si tamen Augustum scelerato sanguine ferrum  
Perfidia tinges, palmis monumenta parentum  
Prolusere tuis. Quot fortia corpora letho  
Purpureus voluit Rhenus? quot belgica tellus  
Fundere tabificam vidit per vulnera vitam?  
Hæresis in cladem ducit Farnesius agmem  
Maior Alexandro factis, quem nomine gestat.  
Austriacum Martem fidei tremuere rebelles,  
Sanguinis & fuso saturarunt flumine ferrum  
Principis experti vires: volat æneus Orbis  
Vnde vomit toto cum sanguine Orangius iras,  
Et documenta dedit, quanti sit temnere diuos  
Cum rege Hispano: tanti vestigia Martis

Tu generosa premes, te decertante peribit  
 Luna, vel inuiso funestet lumine terram.  
 Auspice te, Carolo regnante, Britannicus orbis  
 Regia Romanę supponet Colla thiarę.

Hęc Bellona dedit: felix Hispania magni  
 Principis auspicijs infantem hęc voce salutat.  
 Viue diu regum soboles, & grande Tonantis  
 Munus, adorata spiras qui fronte Philippos,  
 Viue diu felix: in te subnixā recumbit  
 Pars mundi melior: totus tibi plaudit Olympus  
 O mea progenies, sanguis meus, annue votis  
 Italię, Europę, Mundi, qui Nestoris æuum,  
 Fortunam Caroli, patrię pietatis amorem  
 Austriadum sobolem placidis tibi sponder ab astris.  
 Dixerat, & festis intermieat ignibus æther:  
 Roma canit: Chisię gentis regnantibus astris

GALLIA DELPHINOS, Reges parit ANNA PHILIPPOS

PHILIPPUS

